



Tuhaqtitauyughaq

Canada

Kanata Nunavutlu Quviahuutigiyat Angmaktiruta uuma Akinnaq Pinnguarvik (Uataani Ulapqivik)

Ikpiaryuk, Nunavut (Ubluirvia 9, 2009) – Nanngariyauyuq Lorne Kusugak, Ministanga Nunaliriyiit Kavamaliqiyiitkullu, ublumi quviahuutigiyat angmaktirutaanut uuminga *Akinnaq Pinnguarvik* Ulapqivik Ikpiaryukmi, Nunavut. Una \$5.9 milliat taala havaktaunahuaq havakatigitjutigiyaat Kanata–Nunavutlu ataani haamlitkut napaktigakhanut manikhainut (Municipal Rural Infrastructure Fund (MRIF)).

“Katitlutik hulilukaariamingni ihuaqtuq inungnut Nunavunmi,” uqaqtuq Minister Kusugak, “manikhangitkumik ukunanga manikhakvingnit Municipal Rural Infrastructure Fund havaktanginnit, angmaktiruta iglukpakyuap piyaulimaittuugaluaq. Quviagiyatka katimayaktugtut kanatami paanariiktunit upautingmata quviahuutigivlugu Ikpiaryukmi aliahuutigiyaanut.”

Akinnaq Pinnguarvik numiktiruta una Uataani Ulapqivik uataaniitmat nunallaami. Atia piyauhimaquq nunallaamit apiqhihimangmata inungnut pivlutik 120-nik atikhanik. Hivuliuyuq ulapqivik Ikpiaryukmut.

“Ikluqpaliuqhimayut uumatut *Akinnaq Pinnguarvik* piyumayait amihut Nunavunmiuni nunallaanut nirikatigiigiamingni, ulapqilutik, katitirlutikluuniit,” uqaqtuq Nanngariyauyuq Leona Aglukkaq, Ministauyuq Tununnganut Ministangalu Munaqhiliqiyikkut, uumunga pivlugu Nanngariyauyuq Chuck Strahl Ministauyuq ukunani Canadian Northern Economic Development Agency (CanNor). “Kavamanga Kanata aliahuktut havakatigivlugit Kavamanga Nunavut manikhanik tunihingmata havaktaunahuanut uumatut Ikpiaryukmi nutaaq ulapqivikhaq.”

Una Akinnaq Pinnguarvik manikhanikhimayuq ataani Municipal Rural Infrastructure Fund (MRIF). Kanataup Nunakputlu Kavamanga tamangnik akilikhiyuk Angirutiqaqhutik ukiungani 2005 manikhanik tunihivlutik ulapqiviknut iglukpakhanik, ulapqivikhanut, ihuaqhutik iglut aulatjutainut. Tamaat manikhait ukiunganut ataani MRIF una \$57.8 milliat taala Nunavuttip havaktakhainut. Tamaat maniit ikayuutigiyait Kanatamit una \$19 Milliat taala. Havaktauyakhaq havaktaat Kavamanga Kanatami talvuuna pivlugu Canadian Northern Economic Development Agency (CanNor).

###

Naunairumagungni Uqaqvigilugu:

Rosemary Kilpatrick
Nunaliriyiit Kavamaliqiyiitkullu
Kavamanga Nunavut
867-975-5325
rkilpatrick@ghov.nu.ca

Karen MacKenzie
Canadian Northern Economic Development
Agency
867-975-4537
karen.mackenzie@cannor.ca